


增廣太平惠民和劑局方

附用藥
總論

三



增廣太平惠民和劑局方

附用藥總論

(三)

陳師文等編

叢書集成初編

(補印本)

增廣太平惠民和劑局方

附用藥總論

三冊

一九三九年十二月初版
一九六〇年一月補印

陳師文等編

商務印書館出版

上海市印刷六廠印刷

增廣太平惠民和劑局方卷十

治小兒諸疾外有治療諸方互見各類

【返魂丹】治小兒諸風癲癇潮發瘈瘲口眼相引項背強直牙關緊急目睛上視及諸病久虛變生虛風多睡昏困荏苒不解速宜服之

當歸酒浸切焙微炒 烏犀鎊各二兩

乾薑炮

枳殼去穢麩炒

白朮泔浸一宿微炒

人參去蘆

木香不見火

茯苓去皮

丁香不見火

厚朴去皮薑汁炙熟

藁本去土

天竺黃細研

敗龜酒醋塗炙黃

何首烏泔浸一宿煮過切焙

桑螵蛸微炒

蔓荊子去白

白芷

虎骨酒醋炙令黃

晚蠶蛾微炒

縮砂仁各三分

麻黃去根節

麝香別研

羌活去蘆

羚羊角鎊

半夏湯洗七次薑汁浸三宿焙乾炒黃

川烏頭燒令通紅留烟少

許入坑以盡蓋新土圍食頃

防風去蘆

白花蛇酒浸一宿炙令熟

去皮骨用肉

藿香去葉土

檳榔

白附子微炮

天南星湯洗生薑自然汁煮軟切焙炒黃

白殭蠶去絲鬚微炒

阿膠碎炒

葶藶微炙

肉桂去粗皮

烏蛇酒浸一宿炙熟取肉用

細辛去苗

陳皮去穢微炒

槐膠

天麻酒洗切焙

沉香不見火

乾蝎微炙

獨活去苗各一兩

肉豆蔻去殼微炒

朱砂細研水飛

雄黃細研水飛

石斛去根

附子水浸後炮去皮臍

牛黃別研

龍腦別研

水銀

蟬殼去土微炒

川芎各半兩

烏鴉一箇去嘴翅足

膩粉別研一分

狐肝三具臘月采取同烏

鴉一箇入新瓷內以瓦盆蓋頭泥固濟炭火一斤燒令通赤烟盡出候令研細用

硫黃研細用磁盞盛慢火養成汁入水銀急炒如青泥成砂再研半兩

金箔二十片爲衣

右如法修事搗研令細煉白蜜合和入酥再搗三五千下圓如梧桐子大每一歲兒一圓溫薄荷自然汁化下不計時候

【定命丹】治小兒急慢驚風天弔撮口潮發搐搦妳癰壯熱昏塞不省

青黛研半錢

蟬酥乾者酒浸一宿一錢

乾蝎全者七箇微炒

麝香研一匙

白附子炮爲末半分

天南星炮爲末一分

右件細研令勻以粟米粥和圓如菽豆大別以青黛爲衣每服一圓荊芥薄荷湯化下後困睡無疑但有患者先化半圓滴入鼻中嚏噴者必差一本不用天南星

【八珍丹】治小兒驚風壯熱精神昏憤嘔吐痰涎驚悸恍惚或發癎瘕目睛上視。

甘草炒。

天麻去蘆。

朱砂研飛。

南星牛膽製各五兩。

牛黃研一分。

天漿子微炒三百五十個。

膩粉。

雄黃飛各一兩一分。

銀箔七十片爲衣。

右爲細末入研藥勻炮蜜爲圓如豌豆大以銀箔爲衣每服一歲兒服一圓薄荷湯化下疾證未退可再服之更量兒大小加減姪食後服。

【太一銀朱丹】治小兒驚風壯熱涎盛發癎手足搖搦目睛上視及風壅實心膈滿悶嘔吐痰涎大便秘澀。

黑鉛煉十遍秤三兩與水銀結砂子分爲小塊同甘草水煮半日候冷取出研去草不用。

水銀結沙子。

鐵粉各三兩。

甘草同鉛煮十兩。

天南星炮爲末三分。

硃砂飛研半兩。

膩粉研一兩。

右司研勻以麵糊爲圓如麻子大每一錢小兒服一圓薄荷蜜湯下以微利爲度如未利再服乳食後。

【鶴頂丹】治大人小兒風壅痰實咽膈不利口乾煩渴睡臥不安及中暑頭痛躁渴不解。

麝香研二兩半。

硃砂研飛一百兩。

牙硝枯研一百二十五兩。

寒水石粉一百一十兩。

甘草炒爲末三十五兩。

右合研勻。煉蜜溲和。每一兩二錢作十圓。大人溫生薑水化下一丸。如治中暑。入生龍腦少許。同研細。新水化下。小兒一九分四服。更量大小加減。又治小兒腑臟積熱。心神不寧。夜臥狂叫。口舌生瘡。用薄荷自然汁化下。並食後服。

【至聖丹】治一切驚風天吊。目睛上視。手足搖擗。狀候多端。用藥一圓。用溫水化滴鼻中。令噴嚏三五次。更用薄荷湯下二圓卽愈。如久患五疳。腹脹頭大。四肢瘦小。好喫泥土。可思妳食。愛咬指甲。時擣眉毛。頭髮稀疏。肚上青筋。及久患瀉痢。並用米飲下二圓。如久患疳蛔。咬心發歇疼痛。並以苦楝子煎湯下二圓。如鼻下赤爛。口齒疳蟲。并口瘡等。用兒孩子妳汁研二圓塗在患處。疳眼雀目。用白羊子肝一枚。以竹刀子批開入藥二圓在內。以麻縷纏定。用淘米泔煮熟。空心食之。仍令乳母常忌毒魚大蒜鷄鴨猪肉等。

熊膽用溫水化入藥。蘆薈研。

膩粉同水銀研。

硃砂研飛。各一兩。

麝香研。各半兩。

蟾酥乾者酒浸一宿。

龍腦研。

鉛霜研。各一匙。

雄黃研飛。

青黛研。

胡黃連各兩。

白附子炮。二錢。

水銀一錢與膩粉同研。不見光星。

右爲末。入研藥勻。用熬過獾豬膽汁浸蒸餅爲圓。如黃米大。湯使如前。此藥退驚治風。化蟲殺疳。除百病進乳食。若隔三兩日進一服。永無百病。不染橫天之疾。凡有患與服必功效。

【五福化毒丹】治小兒蘊積毒熱驚惕狂躁。頰赤咽乾。口舌生瘡。夜臥不寧。譫語煩渴。頭面身體多生瘡癩。

桔梗微炒。

元參洗焙各六兩。

青黛研。

牙硝枯各二兩。

人參去蘆二兩。

茯苓去皮五兩。

甘草炒一兩半。

銀箔八片爲衣。

麝香研半錢。

金箔八片爲衣。

右爲細末。入研藥勻。煉蜜爲圓。每兩作十二圓。每一歲兒一圓。分四服。用薄荷水化下。及瘡疹後餘毒上攻。口齒涎血臭氣。以生地黃自然汁化一圓。用雞翎掃在口內。熱疳肌肉黃瘦。雀日夜不見物。陳粟米泔水化下。食後臨臥服。

【靈砂歸命丹】治小兒蘊積邪熱。潮熱不除。頰赤口乾。心膈煩躁。痰涎不利。睡臥不安。或發驚癇。涎潮搐搦。又療積滯不消。下利多日。腹中疳痛。煩渴嘔噦。服藥調和不能愈者。並可服之。

巴豆去心膜皮炒熟。研如麵。去油三百十五粒。牛黃研。

龍腦研。

麝香研。

膩粉研各三兩。

辰砂研飛九兩。

金箔研九十片。

右合研勻。煉黃蠟六兩入白沙蜜三分同煉令勻爲圓。如菉豆大。每服二圓。金銀薄荷湯下。更量歲數加減。如驚癇搐搦。用龍腦膩粉蜜湯下。服藥先以冷水浸少時服之。見効尤速。

【大天南星圓】治小兒急慢驚風。涎潮發搐。目睛上視。口眼相引。牙關緊急。背脊強直。精神昏塞。連日不

省。

天南星牛膽製者半兩

龍腦研

牛黃研

乳香研各一錢

人參

天麻去蘆

防風去蘆各一分

朱砂研三錢

乾蝎十四箇湯浸潤去土微炒爲末

麝香研一錢半

右件研杵令勻煉蜜和圓如大雞頭大每服一圓荊芥薄荷湯化下量兒大小以意加減服不計時候

【五疳保童圓】治小兒五疳蓋其骨肉輕軟腸胃微細若乳哺有節則臟腑相調或乳母寒溫失理飲食無常醉飽喜怒及小兒百晬以後五歲以前乳食漸多不擇生冷好食肥膩甘酸之物卽成五疳一曰肝疳其候搖頭揉目白膜遮睛流汗遍身合面而臥目中澀痒肉色青黃髮立頭焦節青腦熱腹中積聚下痢頻多久而不痊轉甚羸瘦二曰心疳其候渾身壯熱吐痢無常頰赤面黃胸膈煩滿鼻乾心躁口舌生瘡痢久不痊多下膿血有時盜汗或乃虛驚三曰脾疳其候腹多筋脈喘促氣籠乳食不多心腹脹滿多啼欬逆面色萎黃骨立毛焦形枯力劣胸膈壅悶水穀不消口鼻常乾好吃泥土情意不悅愛暗憎明腸胃不和痢多酸臭四曰肺疳其候欬嗽氣逆皮毛乾焦饒涕多啼咽喉不利揉鼻咬甲壯熱憎寒口鼻生瘡唇邊赤痒腹內氣脹乳食漸稀大腸不調頻頻洩痢糞中米出皮上粟生五曰腎疳其候肌肉消瘦齒斷生瘡寒熱作時口鼻乾燥腦熱如火脚冷如冰吐逆既增乳食減少瀉痢頻併下部開張肛門不收疳

瘡痒痛已上疾狀並皆治療

黃連去鬚

白繕頭炙令焦黃無卽炒白蕪荑充代

草龍膽去蘆

雄黃飛研

青橘皮去穰

夜明砂微炒

五倍子

蟾頭一枚炙令黃色

苦楝根

天漿子微炒

胡黃連

麝香

青黛研

熊膽研

蘆薈研各一分

右爲細末都研令勻用糯爲飯和圓如麻子大每服一歲兒一圓不計時候溫米飲下日進三服尤妙○一方有蝸牛微炒一分

【虎睛圓】治小兒驚風壯熱痰涎壅滯精神昏憤睡多驚啼或發搐搦目睛直視

茯神去木

天麻去苗

膩粉研

天竺黃研

胡黃連各五兩

白附子炮

麝香研各三兩

朱砂研飛二兩

天南星炮三兩

天漿子微炒四十箇

使君子一百箇

青黛研七兩

右爲細末以麵糊爲圓如梧桐子大每一歲兒服一圓薄荷湯化下更量虛實加減乳食後服

【化蟲圓】治小兒疾病多有諸蟲或因腑臟虛弱而動或因食甘肥而動其動則腹中疼痛發作腫聚往來上下痛無休止亦攻心痛叫哭合眼仰身撲手心神悶亂嘔噦涎沫或吐清水四肢羸困面色青黃飲食雖進不生肌膚或寒或熱沉沉嘿嘿不的知病之去處其蟲不療則子母相生無有休止長一尺則害

人。

胡粉炒。

鶴蘘去土。

檳榔

苦楝根去浮皮各五十兩。

白礬枯十二兩半。

右爲末以麵糊爲圓如麻子大一歲兒服五圓溫漿水入生麻油一兩點打勻下之溫米飲下亦得。不拘時候其蟲細小者皆化爲水大者自下。

【進食丸】治乳食不消心腹脹滿壯熱喘粗嘔吐痰逆腸鳴泄瀉米穀不化或下痢赤白腹痛後重及食癥乳癖疰氣痞結並皆治之。

代赭石燒醋淬研。

當歸去蘆微炒。

朱砂研飛。

枳殼去穰麩炒微黃。

木香各半兩。

麝香細研一分。

巴豆霜半分。

右件藥搗羅爲末入研藥勻麵糊爲圓如麻子大每一歲兒服一圓溫米飲下更量虛實加減服之。食後服。

【金箔鎮心丸】治小兒風壅痰熱心神不寧驚悸煩渴唇焦頰赤夜臥不安譫語狂妄。

紫河車用黑豆煮軟切作片焙乾二十五兩。

山藥一百五十兩。

牙硝枯十五兩。

甘草燼。

人參去蘆。

茯苓去皮各五十兩。

朱砂研飛一百兩。

龍腦研十兩。

麝香研五兩。

金箔一千二百片爲衣。

右爲細末。煉蜜爲圓。每一兩半作五十圓。以金箔爲衣。每服一圓。薄荷湯化下。含化亦得。食後臨臥服。常服安鎮心神。散敗邪熱。涼咽膈。止驚啼。

【比金圓】治小兒驚風體熱。喘。鼾。涎。嗽。心忪。頰赤。大小便不利。夜臥不穩。

天南星炮十二兩半 滑石

膩粉研各十五兩

青黛研二兩半

巴豆七百箇去皮取霜

右爲細末。以麵糊爲圓。如麻子大。每服一歲一圓。薄荷溫水下。如急驚風。頭熱足冷。口噤面青。筋脈抽掣。上膈頑涎。痰狀甚者。加一兩圓。煎桃符湯下。疎利下蘊毒熱涎。立便安愈。小兒瘡疹後。餘毒不解。宜與服。食後。

【香連丸】治小兒冷熱不調。泄瀉煩渴。米穀不化。腹痛腸鳴。或下痢膿血。裏急後重。夜起頻併。不思乳食。肌肉消瘦。漸變成疳。

白石脂

龍骨

乾薑炮

黃連去鬚微炒

白礬煨各半兩

右件藥搗羅爲末。醋煮麵糊和圓。如麻子大。每一歲兒服十圓。米飲下。乳食前服。如煩渴。煎人參湯下。更量兒大小。以意加減。日三四服。

【開胃圓】治小兒腑臟怯弱。內受風冷。腹痛脹滿。腸鳴泄利。或青或白。乳食不化。又治臟冷夜啼。胎寒腹

痛。

白芍藥

麝香細研各一分

人參

木香

蓬莖朮煨

白朮

常歸去苗微炒各半兩

右件搗羅爲末都研令勻湯浸炊餅和圓如黍米大每服十五圓溫米飲下新生兒腹痛夜啼可服五圓並乳食前服

【沒石子圓】治小兒腸虛受熱下痢鮮血或便赤汁腹痛後重晝夜不止遍數頻多

沒石子

地榆各半兩

黃蘗剉蜜炒二兩

黃連剉炒一兩半

酸石榴皮一兩

右件搗羅爲細末以醋煮麵糊和圓如麻子大每服十圓至二十圓溫米飲下食前服

【牛黃膏】治驚化涎涼膈鎮心祛邪熱止痰嗽

蛤粉研飛二百兩

牙硝枯研

朱砂研飛各十兩

人參二十五兩

雄黃研飛七十五兩

龍腦研四兩

甘草燼五十兩

金箔銀箔各二百片爲

衣

右爲細末煉蜜搜和每一兩八錢作二十圓以金箔銀箔爲衣一歲兒每服如棗豆大薄荷溫水化下量歲數臨時加減服之食後

【金屑辰砂膏】治小兒心經邪熱。頰赤多渴。睡臥不寧。譫語狂妄。痰涎不利。精神恍惚。及大人痰熱蘊積。心膈煩躁。咽喉腫痛。口舌生瘡。

牙硝枯研

鐵粉研各半兩

甘草炙二兩

龍腦研二錢

辰砂研飛三兩

蛤粉研飛八兩

人參一兩

金箔三十片爲衣

右爲細末。煉蜜溲和。每一兩半作二十九丸。捏扁用金箔爲衣。每服半皂子。大人一圓分作兩服。並用薄荷湯化下。食後臨臥服。

【潤肺散】治小兒寒壅相交。肺氣不利。欬嗽喘急。語聲不出。痰涎壅塞。胸膈煩滿。鼻塞清涕。咽喉乾痛。

貝母去心。麩炒黃。

杏仁湯去皮尖及雙仁者。焙乾。麩炒。各二兩半。

麻黃去根節。

人參各二兩

阿膠炒令黃燥。

桔梗各半兩

陳皮去白一分

甘草炙一兩

右同杵。羅爲粗末。每服一錢。水八分煎六分。去滓。溫服。食後。

【惺惺散】治小兒風熱瘡疹。傷寒時氣。頭痛壯熱。目澀多睡。欬嗽喘急。鼻塞清涕。

瓜蒌根

人參

細辛去葉

茯苓去皮

白朮

甘草炙

桔梗各一兩半

右件同杵。羅爲末。每服一錢。水一小盞。入薄荷三葉。同煎至四分。溫服。如要和氣。卽入生薑煎服。不

計時

【清涼飲子】治小兒血脈壅實。腑臟生熱。頰赤多渴。五心煩燥。睡臥不寧。四肢驚掣。及因乳哺不時。寒溫失度。令兒血氣不理。腸胃不調。或溫吐連滯。欲成伏熱。或壯熱不歇。欲發驚癇。又治風熱結核。頭面瘡癰。目赤咽痛。瘡疹餘毒。一切壅滯。並宜服之。

當歸去蘆酒浸

甘草炙

大黃蒸焙

赤芍藥

右等分爲釐末。每服一錢。水一中盞。煎至七分。去滓溫服。量兒大小虛實加減。微瀉利爲度。食後臨臥服。

【天竺飲子】治大人小兒腑臟積熱。煩躁多渴。舌頰生瘡。咽喉腫痛。面熱口乾。目赤鼻衄。丹瘤結核。癰瘡腫痛。又治伏暑躁熱。瘡疹餘毒。及大便下血。小便赤澀。

川鬱金用皂角水煮切作片焙乾

甘草炙各二十兩

連翹

大梔子仁微炒各二十兩

瓜蒌根十斤

雄黃研飛五兩

右爲細末。每服一大錢。食後臨臥。用新水調服。小兒半錢。臨時更量兒大小以意加減。

【朱砂圓】鎮心神。化痰涎。利咽喉。止煩渴。

鵬砂研一分

朱砂研飛五十兩

梅花腦研

麝香研各半兩

腦子研

牙硝枯各一兩

寒水石燒通紅研四兩

甘草浸汁熬膏五斤

右研勻用甘草膏和每兩作一百圓每服一圓含化小兒夜多驚啼薄荷水下

【太一丹】治小兒諸風驚癇潮發搐搦口眼相引項背強直精神昏困痰涎不利及一切虛風並皆治之

天南星炮

烏蛇酒炙取肉各三錢

天麻去蘆酒浸一宿

麻黃去根節各半兩

乾蝎微炒一錢半

白附子炮三錢半

白僵蠶去絲嘴炒四錢

附子炮去皮臍半兩

已上爲細末以水一升調浸三日以寒食麵一斗拌勻踏作麵須六月六日以楮葉罨七日取出逐片用紙袋盛掛當風十四日可用每麵末一兩入下項藥

琥珀研一錢

辰砂研飛六錢

雄黃研飛三錢

甘草炙爲末半錢

右合研勻煉蜜和圓如雞頭大每服一丸溫水下下不計時

【大驚圓】治驚風諸癇壯熱昏憤神志恍惚痰涎壅塞或發搐搦目睛直視並皆治之

蛇黃火煨醋淬九次研飛二錢

青礬石研一錢

朱砂研飛三錢

蝦蟇灰

雄黃各一錢半

鐵粉研二錢半

右研勻以水浸餛餅丸如桐子大每服一丸煎薄荷水磨剪刀服化下日二三服此藥治驚化涎不用銀粉小兒臟腑口齒腸胃柔弱凡用銀粉藥切須慎之則無他苦

紹興續添方

【睡驚丹】治小兒驚邪風熱痰壅咽膈不利夜臥不安睡中啼哭驚風搐搦

蛇黃火煨紅米醋淬五遍再將醋炙乾爲度

天南星研爲粉用薄荷汁洩和爲餅炙熟

茯苓去皮

鐵粉重羅

使君子仁

已上五味搗羅爲末各秤半斤

腦子別研半兩

麝香別研一兩

銀箔研

金箔研各一百片

右前項五味藥末入後項研藥拌勻糯米糊爲丸如皂莢子大朱砂爲衣用薄荷湯磨下五歲兒一

丸分二服三歲已下兒一丸分三四服更量歲數加減常服安神鎮心定驚控痰

【使君子圓】治小兒五疳脾胃不和心腹膨脹時復疳痛不進飲食漸致羸瘦並宜服之

使君子仁浸去黑皮一兩

厚朴去皮薑汁炙

陳皮去白

川芎各一分

右爲細末煉蜜圓如皂子大三歲以上一粒以下半粒陳米飲化下大治小兒腹痛

【加減四君子湯】治小兒吐瀉不止可進乳食常服調胃進食

白朮豆蒸熟焙乾

藿香葉

甘草炙

黃芪去苗各一兩

人參

茯苓去皮焙

白朮各四兩

右爲細末每服一錢入鹽點服或用水七分盪煎五分溫服

【消毒犀角飲】治證并方見前積熱類